tables les derniers & souverains effects de sa charité & amour paternel, par l'vnion metnelle auec son Fils bien-aimé: auquel auec le Pere & le S.Esprit son honneur & gloire és siecles des fiecles.



Lvc VI

45. L'homme de bien tire hors choses bonnes du bon thresor de son cœur : & le mauuais homme tire choses mauuaises du maunais thresor de son cœur : car c'est de l'abondance du cœur que la bouche parle.



V vingt & troisieme chapitre des Prouerbes , la Sapience diuine , la-quelle est Dieu mesme , parle ainsi aux hommes, Mon fils donne moy ton cœur. Celui qui nous donne

tout ce que nous auons de bien, qui nous donne son propre Fils, & auec lui le salut & la vie, en contr'eschange nous demande nos cœurs : lesquels lui seront agreables si lui-mesme les rend bons, & les purifie, afin que nous ne lui offcions

que ce qui est du sien. Vous donnerez l'aumosne aux pauures, le support aux infirmes, la consolation aux affligez, l'instruction aux ignorans, l'obeissance aux Superieurs, le tribut à Cesar:mais à Dieu vous donnerez vos cœurs : c'est le tribut que tous hommes doinent egalement, comme iadis le demi sicle du Sanctuaire, qui deuoit estre payéegalement partous, le riche ne payoit pas plus que le pauure. En nos sacrifices spirituels les cœurs sont la portion de Dieu. C'est pour que és sacrifices de la Loy de Moyse les reins appartenoyent à Dieu, & falloit les faire fumer sur l'autel en la presence de l'Eternel, pource que par les reins l'Escriture Saincte entend les secrettes pensees & les intentions du cœur:comme au septieme Pleaume, où il est dit que Dien sonde les reins & les cours. Tout sinsi que c'eust esté vne chose prodigieuse & de mauuais augure, si en la victime qu'on sacrifioit on n'eust point trouvé de cœur: ainsi tout ce que nous offcons à Dieu est puant & vn augure de maux, si le cœur n'y est Zm21.2. point. Les deux pites offertes par la pauure vefve ont esté de plus grand prix que les aumosnes liberales des riches, pource que ceste vefve offroit son cœur auec son aumosne, mais les offiades des tiches estoyent des offrandes ambiticuses, & des victimes sans cœur. C'est la cause pourquoy Dieu a rejetté le sacrifice de Cain se les larmes d'Esaus & le jusne de lezabel; & les festes & nouvelles lunes des Iuifs, & les longues orailons des Pharisiens, & les aumosnes d'Ananias & de Sapphira, pource que le cœur n'y estoit point : car sans le cœur la langue est menteule, le zele est simulé, &

Digitized by Google

les actions

les actions sont contraintes, & les meilleures œuures exterieurement se tournent en peché. Dieu possedant le cœur de l'homme possede l'hommé tout entier, & tient le gouvernail de sa vie. Particulierement c'est le cœur qui gouverne la langue; car comme dir lesus Christ en ce passage; L'homme de bien tire bonnes choses du thresor de sont œur. Et c'est de l'abondance du cœur que la bouche parle:

Par ce mot de cœur l'Escriture Saincte quelquesois entéd les affections d'amour ou de haines de ioye ou de tristesse. C'est en ce sens que Dieu en sa Loy commande que nous l'aimions de tout nostre cœur. Et le Sacrisscateur Heli demandoit à Anne mere de Samuel pour quoy son cœur estoit triste: mais quel que sois l'Escriture par le cœur entend l'entendement qui est le siege des pensees & de la cognoissance: comme quand au 29. chap. du Deuteronome Moyse dit aux Israelites, Dieu na vous a point donné cœur pour entendre. Et S. Paul au soichap. aux Romains, dit, qu'on crost de cœur à sussice. Car le siege de la croyance est l'entendement.

Ici n'importe en quel sens se prend le mot de cour, puis que la langue se meut non seulement selon les desirs & affections, mais aussi selon la cognoissance. Ce cour est ici appellé vn thresor; c'està dire le lieu ou se ramassent les pensees & les desirs tant bons que mauuais: car l'Escriture parle de deux sortes de thresors, l'vn bon & l'aut tre maduais. C'est vn bon thresor que celui des aumosnes duquel selus Christ parle au 12.chap; de S. Luc disant, sous en un thresor es cienc qui

ne defuille iamais. Et ce threfor dont parle S. Paul en la deuxieme aux Corinthiens chap. 4. où parlant des graces de Dieu, il dit que nous auons ce ebresor en des vaisseaux de terre.

Mais il y a vn mauuais threfor, ascauoir celui dont parle le mesme Apostre aux Romains ch.2. où parlant aux impenitens & rebelles, il dit, Tu ze the faurifes, 'cft à dire, tu t'amasses un thresor d'ire au sour de l'ire & du suste sugement de Dieu. Et S. Iaques au s. chapit. parlant des riches auares & rauisseurs dit, qu'ils se sont amasse un thresor pour les derniers iours. De ces deux lortes de threlorest parlé en ce passage, où Iesus Christ dit que l'homme de bien tire choses bonnes du bon thresor de son eœur, & le manuau homme tire choses manuaises du mauuais thresor de son cœur.

Ce mot d'homme de bien comprend bien des choses: car par l'homme de bien est entendu celui qui a tousiours la crainte de Dieu deuant ses yeux, & qui considere tousiours Dieu comme tesmoin de ses pensees & juge de ses actions:qui est veritable & honeste en ses paroles, droiturier en ses actions, chaste & sobre en se conversation. patient en aduersité, humble en prosperité, affiduel en prieres, charitable en aumoines, mesprisant le monde, meditant soigneusement la Parole de Dieu,brussant du zele de la maison de Dieu, failant à autrui comme il voudroit qu'on lui fist, & duquel la vie est vne preparation continuelle à la mort.

Car nous n'appellons point homme de bien celui qui en quelques points retient fa conuoitile, & la lasche en d'autres, qui vaque à la priere, & à l'ouye de la Parole de Dieu, mais a des haines irreconciliables. Ni celui qui est aumosnier, mais vit d'vne vie impudique. Ni celui qui vit d'vne vie sobre & honneste, mais est sans compassion enuers l'affligé. Selon qu'il yen a plusieurs qui composeroyent volontiers auec Dieu, & qui voudroyent qu'il se contentast d'vne demie obeissance, & qu'il les dispensast d'vne partie de ses commandemens.

De ces hommes de bien le nombre en est bien petit au monde: Et non seulement petit, mais aussi odieux entre les hommes de ce monde, qui parlent d'vn homme de bien auec mespris comme d'vn niais & qui ne sçait pas comment il faut viure au monde. Voire i'ose dire, que s'il n'y auoit point d'autre vie que la presente, & s'il n'y auoit point vn Dieu auquel il faut rendre conte de ses actions, le plus pautre mestier du monde seroit celui d'homme de bien.

Cependant à prendre ce mot d'homme de bien à la rigueur, & en sa persection, il est certain qu'il ne se trouvera point d'homme de bien au monde; & que la sentence de Iesus Christ est veritable, qu'il n'y a nul bon sinon Dien. Ainsi plusieurs sont appellés sages en l'Escriture, & routesois S. Paul en la premiere à Timothee au chapit. I. dit que Dieuseul est sage. Et Iob, & Noé, & Zacharie pere de Ichan Baptiste sont appellés iustes & entiers; cependant Salomon en l'Ecclesiaste chap. 7. dit qu'il n'y a point d'homme suste en la rerre, Dieu donc est bon, & seul bon, estant comparé auec les hommes: voire il est la bonté mesme. Mais ceux qui craignent Dieusont appellés bons & iustes

en comparaison des meschans, esquels le peché reigne, & que l'Escriture appelle ouuriers d'iniquisé. En mesme façon que nous disons que les estoiles sont claires, combien qu'elles soyent obscures en comparaison du Soleil: & que la Lune est luisante, combien qu'il y ait des taches en sa face, & qu'elle n'ait autre clarté que celle qu'elle reçoit du Soleil. Ainsi ceux qui craignent Dieu & qu'il sanctifie par son Esprit sont appellés bons en l'Escriture, combien qu'ils ayent des taches & impersections, & qu'ils n'ayent aucune bonté que celle qu'ils ont receue de Dieu.

Particulierement l'Escriture appelle bons ceux qui estans pecheurs & infirmes cheminent de uant Dieu sans fraude & hypocrisie & en bonne conscience: & gemissans sous le fardeau de leurs infirmités implorent la grace & assistance de Dieu, & taschent de prositer & s'auancer en la soy

& en la crainte de Dieu.

De tels Iesus Christ dit qu'ils tirent bonnes choses du bon thresor de leur cœur : c'est à dire, qu'ayans le cœur rempli de bonnes & sainctes pensees, ils parlent aussi comme ils pensent, & que leurs paroles sont conformes à ce qu'ils ont au cœur.

Ici seroit long à vous deduire par le menu quelles sont les bonnes pensees du fidele, & quel ce bon thresor du cœur dont sortent les bons propos agreables à Dieu:Pour vous les representer par ordre faudroit vn plus long temps & vn meilleur esprit. Telles estoyent les pensees d'Isac au 24. de Genese, où il est dit qu'Isaac estoit sorti aux champs pour prier sur le seir. Telles les pensees de S.

de S.Pierre lors qu'il monta sur la platte-forme AE.10? du toict de la maison pour faire son oraison. Tel- 9. les estoyent les pensees des Marryrs qui estans enfermés és cachots attendans la mort, priués de toute communication, s'entretenoyent auec Dieu, & possedoyent leurs esprits auec ioye & tranquillité. Telles les pensees de Dauid auant qu'il commençast le Pseaume 73. par ces mots, Si est-ce que Dieu est tres-doux à son I frael. & à tous ceux qui sont nets de cœur: Car le commencement de ce Pleaume est vn propos rompu, & vne suit d'vne longue meditation qui auoit precede. Tout ainsi que sous la Loy de Moyse les bestes propres à estre sacrifices, estoyent celles qui ruminent & remaschent les viandes, ainsi ceux-la seuls sont, vne offiande agreable à Dieu, qui ruminent & repassent souvent en leurs esprits la Parole de Dieu. laquelle nous fournit abondamment la matiere des bonnes pensees & d'vne saince & douce meditation. Cat si vn Payen nommé Scipion se vantoit de n'estre iamais moins seul que quand il estoit seul, pource qu'en la solitude la memoire. de ses prouesses & de ses victoires l'entretenoit auec plaisir, combien plus le sidele estant scul se trouuera-il bien accompagné, ayant auec soy l'Esprit de Dieu, & la Parole de Dieu habitante en son cœur, & la memoire des combats & des victoires de nostre Seigneur Iesus, lesquelles sont les nostres ?

Pour rediger par ordre ces sainctes pensees, ie dis qu'il y en a trois sortes: car ou nous pensons à nous mesmes, ou nous pensons aux autres hommes & à nos prochains, ou nous pensons à Dieu.

Le fidele donc pensant à soi-mesme, confide-Les pen rera que Dieu l'a formé à son image: dont il tirefees du ra ceste conclusion, qu'il se doit garder de soulfidele ler & desfigurer ceste image par mauuailes conuoitises, par vaines pensees, & par sollicitudes me, rerriennes, en mesme saçon que l'image d'va Prince souverain imprimee sur sa monnoye s'efface en la frottant contre terre,

Il confiderera austi auec douleur sa corruption naturelle & son inclination à mals pensera à l'infimité de son corps, à ses maladies, à sa vieillesse, aux années qui s'escoulent auec peu d'auancement en sa pieté, à la difficulté de la tasche & du combat qui nous est proposé, au jour de la mort qui est incertain, sinon qu'il est certain qu'il ne peut estre gueres eloigné, & au conte que nous

auons à rendre à Dieu.

Pensera soigneusement à la nature & dignité desa vocation, de peur de la deshonorer, & d'essere coulpable enuers Dieu d'vne grande ingratitude. Car puis que Dieu nous a appellés pour estre ses enfans ce seroit chose indigne de viure comme les enfans de ce monde. Dieu nous appellant ses brebis nous oblige à suiure la houlette de sa parole. Nous appellant son heritage, il nous oblige à produire des fruicts de bonnes œuures par lesquelles il soit glorissé. Nous appellant bourgeois des cieux, il veut que nostre conuerfation soit celeste.

Puis fera en son esprit vn denombrement des graces qu'il a recevés de Dieu, non seulement de celles qui lui sont communes auec tous les fideles, mais aussi és principalement de celles qui lui sont sont particulieres, qu'il a senties en tout le cours de la vie: le ressouvenant de quels moyens Dieu s'est serui pour l'appeller à sa cognoissance, comment il a pourueu à les necessités, & n'a point permis que la farine du coffin & l'huile de la phiole defaillissent en sa maison: il se ramenteura les perils qu'il a courus & de quelles difficultés Dieu l'a deueloppé.

La brieueté de ses iours & la contrarieté des temps, & l'inimitié du monde, l'aduertira de racheter le temps, & empoigner les occasions, & se seruir des moyens que Dicului presente pour s'auancer au chemin de salut, & profiter en la cognoissance de Dieu par sa parole, & à faire vn thresor de bonnes œuures pendant qu'il a le remps: & pour se haster il se demandera souuent conte de son auancement, quel profit il a fait en la pieté depuis tant de temps que Dieu l'instruit par sa parole: quel amas il a fait de bonnes œuures: & quelthrefor d'aumoines; s'il est plus patient en iniures qu'il n'estoit l'annce passee : si ses prieres sont plus ardentes qu'auparauant, & moins diverties de pensees vaines & estrangeres: file mespris du monde & le degoust des choses terriennes le forme en lui: si la penfee de la mort le resiouits& s'il l'attend comme le iour de sa deliurance, desirant de deloger pour estre auec 2. Cor.5? Christ.

Philip. L.

Si apres ceste meditation il sent l'Esprit de 23, Dieu respondant à ses pensees, & le consolant, & lui telmoignant en son cœur, qu'il est des enfans de Dieu, il n'y a rien si doux que ceste meditation: c'est vn avant-goust de la comunication que les

les prochains.

Saincts ont auec Dieu au royaume des cieux:c'eff le bon thresor du cœur dont parle lesus Christ en

ce passage.

Apres que le fidele aura ainsi pensé à soi-mes-Les peu me, il tournera sa pensee vers ses prochains, & sees du vers les exemples tant bons que meunais qu'il a touchat apris, & qu'il a deuant ses yeux.

Il se ramenteura les enseignemens & les sainctes actions des saincts serviceurs de Dieu qui nous sont proposés en la saince Escriture: il se rememorera la constance des Martyrs du temps de nos peres, de la vertu desquels nous auons degeneré, estans tombés en un siecle fertile en paroles, mais sterile en bonnes actions. S'il void quelque homme vertueux & craignant Dieu il s'esiouïra & rendra graces à Dieu d'auoir mis ce bon exemple deuant les yeux afin de s'y conformer. En matiere de vertus se compatera à ceux qui sont meilleurs & plus sages & plus sçauans que lui, afin d'estre retenu en humilité: mais en matiere de richesses & d'honneur mondain , il se comparera auec ses inferieurs & qui sont plus pauures que lui, afin de ne se plaindre point de sa condition, & dire en soi-mesme, Dieu me traitte doucement au prix de tant de pauures gens.

Que si vn pauure se presente à lui, sui demandant assistance, il dira à part soi, Iesus Christ se presente à moy en l'vn de ses membres, Dieu me presente occasion de faire vne bonne œuure, & de consigner mon argent és mains de Dieu qui le rendra auec ysure.

Il profitera en la mort d'un homme craignane Dieu

Dieu, & comparera la fiance, la ioye, la tranquillité d'esprit de ceux qui meurent en la grace de Dieu, & sorient de ce monde sans le regretter, auec la mort des profanes ou des superstirieux, qui regrettent leurs biens & leurs voluptez, & tremblent sous la frayeur des ensers, ou d'vn Purgatoire: & afin d'auoir des prieres & suffrages pour leurs ames, enrichissent les moines, en depouillant leurs enfans. Puis dira auecle Prophete Esaye au 57. chapitre, Le iuste est mort, & n'y a personne qui y prenne garde, il est recueilli arriere du mal, il est entré en paix, voire quiconque a chemine deuant Dieu. O que c'est vne chose douce & heureuse de mourir en la grace de Dieu! & que ceux là sont bien conseillés, qui y aspirent en bien viuant, & qui viuent comme il fant mourir.

L'homme craignant Dieu passant plus auant en ceste meditation, se representera deuant ses yeux tout le genre humain, parmi lequel Satan Eph.2. reigne si puissamment, agissant auec efficace és v.I. & 2. enfans de rebellion. Aueuglant les vns par l'idolatrie & par fausses doctrines: corrompant les autres par les voluptés, & par l'amour des richesses: animant les hommes aux combats, comme on hare des chiens: car ce spectacle lui est fort agreable. Il confiderera la vanité du monde, le mauuais trauail des hommes, la confusion des affaires, le changemet des estats, la ruine des prouinces: comme vn corps qui hier estoit chargé de biens,&comblé d'honneurs, rend aujourd'hui yne puanteur intolerable, & est mis en terre pour estre mangé par la vermine. Commet les peuples

Icemiliettera l'œil sur les jugemens de Dieu exemplaires qu'il verse sur les peuples qui reststent à la parole : repassera en son esprit l'histoire de l'Eglise, & ses deliurances inopinees lors qu'elle sembloit estre sur le pointe d'estre extermines & sans esperance de ressource selon les hommes.

Que si quelcuns'est corrompu en ses mœurs, ou s'est reuolté de la vraye Religion, l'homme prudent remarquera par quels moyens Satan l'a furpris; & par quels degrés il s'est roulé en ce precipice: que cestui- ci s'est corrompu par les voluptés, & pour ne refuser rien à ses yeux & à sa conuoitise. Que cet autre s'est corrompu par oisueté, & par manuailes compagnies. Qu'yn autre ayant voulu paroistre, & estant mal content de la condition, a fait plus de depense que ne portoyent les moyens, & pour euiter la papureté & le mespris a vendu son ame pour de l'argent, & tourné le dos à Dieu qui l'auoit honoré de sacognoissance: & que tous en general se sont cotrompus pour auoir omis l'exercice de-la priere, & negligé la lecture & l'ouye de la Parole de

Dieu. Côment

Toutes ces pensees seront degrez pour monle fidale pense à terà vue plus haute meditation & cleuer son el-Dieu. prit à Dieu, autant que l'infirmité humaine le

peut

peut porter. L'ame fidele meditera auec admiration quelle est la grandeur infinie de la Maiesté de Dieu, duquel la vie n'a point de commencement, qui habite vne lumiere inaccessible, duquel le throsne est enuironné de mille millions d'esprits prompts & appareillés à executer ses commandemens: qui tient les diables enchainez: deuant lequel les grands Rois sont comme vermisseaux, & la multitude des peuples comme bandes de sauterelles. C'est ce grand Dieu que les cieux des cieux ne contiennent pas : qui est prefent par tout sans estre contenu d'aucun lieu: duquel les yeux penetrent les abysmes, & le secret des cœurs:auquel les choses passes ne sont point passes, & les futures lui sont presentes. Il a fait le monde de rien par sa seule parole, & le sou-Rient par sa vertu, & par vne autre parole le de-Aruira au dernier iour. Il agit continuellement sans se trauailler: il meut toutes choses sans se mounoir: il pouruoit à toutes choses sans aucun souci: il tire la lumiere des tenebres : il se sert de l'iniustice, & folie des hommes pour deployer sa iustice & sa sagesse: c'est lui qui tient registre de toutes nos actions, paroles & pensees, & faut que tout homme comparoisse en son jugement pour rendre conte de sa vie : car il a en main des couronnes de gloite & d'immortalité pour ceux qui l'aiment & le craignent: & pout ses ennemis il a des peines proportionnees à sa puissance & à fa iustice.

Ces pensees meneront le fidele à d'autres pleines de douceur par lesquelles il dira en soi-mesme, ce grand Dieu estant d'yne persection & 91

₹.2£.

grandeur incomprehensible, neantmoins s'est abaissé pour l'amour de nous : il a voulu que son Fils, qui est sa Sapience & sa Parole eternelle, s'alliast auec nous, en reuestant une chair semblable à la nostre par vne vnion personnelle, afin qu'estans freres du Fils de Dieu, nous soyons par ceste alliance faits enfans de Dieu. Ec en ceste chair que le Fils de Dieu a prise, il aportéla peine de 2. Corint. nos pec hez: celui qui n'a point cogneu peché, a esté fast peché afin que nous fussions sustice de Dieu en lui. Il nous reuest de la justice, il nous consacre par sa Saincteté, il nous viuisse par sa mort, il nous appole les Anges pourgardiens, nous instruit par la parolesnous, conduit par son Esprit, se constitue debteur de nos aumosnes, se rend attentif à nos prieres:car qui sommes-nous qui osassions parler à Dieu, & lui respandre nos souspirs, n'estoreque

> les auoir agreables? Ces meditations tant douces & salutaires nous sont fournies par la Parole de Dieu, en laquelle l'ame fidele confiderera la Saincteté des enseignemens, la verité des propheties, la grandeur des miracles, la maiesté auec la simplicité, par laquelle il parle egalement aux grands & aux petits, & touche les cœurs auec efficace. En ceste parole le fidele confiderera les deliurances de l'Eglise, les degrez par lesquels la lumiere de l'Euangile s'est manifestee de plus en plus: l'excellence de l'alliance de Dieu & de la doctrine de nostre redemption. Et finalement les richesses incomprehensibles de l'heritage celeste. & quel est le plaisir & contentement indicible, de contem-

lui-melme nous a dicté nos prieres, & promet de

pler la face de Dieu, d'estre auec lesus Christ, de se messer auec les esprits bienheureux, & parmi les louanges des Sain ets tenir sa partie en l'harmonie celeste.

Telles pensees remplissent l'esprit de contentement, ce sont meditations qui n'ont point de bout, c'est vn abysme dans lequel il y a du plaisir à se perdre, pource que c'est l'abysme de la bonté de Dieu: où le sidele estant entré auec vn tremblement religieux, en sort par louanges & actions de graces, & ne laisse iamais ces pensees que pour les reprendre & y rentrer peu apres. Par telles pensees le cœur de l'homme deuient vn bonthresor, meilleur que tous les thresors d'or & d'argent: vn thresor qui ne peut nous estre osté, & que l'homme craignant Dieu porte tousiours auec soy, & que nous emportons de ce monde en mourant.

Telles pouvoyent estre les pensees de Dauid durant la nuict, desquelles il parle au Pseaume seizieme, où il dit que de nuist Dieu lui donne confeil, & que c'est lors que ses reins l'enseignent. Qui-conque occupe son esprit à cet exercice, ne se peut ennuyer en la solitude, & estant seul est bien accompagné: toutes les assistions lui sont legeres: cat il detrempe toutes les amertumes de ses afflictions, de la douceur de ces pensees, & du plaisir qu'il prend à s'entretenir auec son Dieu.

Mais la pluspart des hommes ne sçait que c'est que ce thresor de bonnes penses: car leurs cœurs sont attachés aux choses de ce monde, à leurs voluptés, à leur argent, à leurs procez, aux iniures qu'ils ont receuës. On si par quelques saillies ils

Ä

Les meditations creuses des superstitieux ne valent pas mieux. Ils murmurent tout bas des orailons qu'eux melmes n'entendent pas, & les sepetent vne cinquantaine de fois en tournant des grains. Il y a des deuots & des deuotes qui ont des ecstales & rauissemens affectés, ausquels on n'ose parler de Dieu, ni de sa mere, de peut qu'ils ne tombent en pasmoison. Ils ont des oraisons de quarante heures: on les oit parler de soliloques, & d'vnion mentale, & d'oraisons eiaculatoires, comme s'ils siringuoyent des oraisons vers le ciel. Tellement que tout le rauissement & tout le zele des Prophetes & Apostres n'est que froideur au prix. On verra vne povre femme qui deuant l'image de saincte Magdelaine, ou de saincte Catherine dira, Nostre Pere qui es és cieux, en vne langue qu'elle mesme n'entend pas, & que saincte Magdelaine, qu'on fait patrone des putains conuerties, n'a iamais entendues, si ce n'est qu'on vueille qu'elle ait apris le Latin depuis qu'elle eft en Paradis.

Quelles pensez vous que peuvent estre les meditations d'vn povre Hermite ignorant, n'ayant aucune

aucune intelligence és Escritures ? On croit que telles personnes en la solitude s'entretiennét auec Dieu continuellement par des sainctes pensees: mais plusieurs sortis de l'hermitage, disent ouuertement que la solitude est le lieu où se forgent plus qu'ailleurs les mauuailes pensees, & où le diable a beau ieu. Dont aussi le desert est le lieu que Satan a choisi pour assaillir Iesus Christ, comme plus propre à la tentation. Là vn homme deuient orgueilleux pource qu'il ne se compare qu'auec soi-melme. Il regrette les plaisirs du monde dont il se voit eloigné. Dont Hierosme Epist. ad est bon telmoing: lequel confesse que quand il Euston viuoit és deserts de Syrie, couché sur la dure, se chium, battant la poictrine, estant compagnon des scorpions& des bestes sauvages, il pensoit continuel lement aux filles, & que les convoitises impudiques bouilloyent dedans son cœur: dont aussi il n'y demeura pas long temps, & quitta bien tost vn si mauuais mestier. Befpour s'entretenir de bonnes pensees en la solicude, deux choses sont requiles: l'vne d'estre bien sçauant afin de penetrer dans les œuures de Dieu & pourmener son esprit par toute la nature, & le rememorer les saincts enseignemens, & les bons exemples que Dieu nous propole en la Parole. L'autre est qu'il faut estre rempli du sainct Esprit, qui eloigne du cœur de l'homme toutes pensees mal-honnestes, tous mauuais desirs, & le chagrin qui se forme aisément en la solitude; car vn mauuais homme laissé à soi mesme est fort mal accompagné: Ne fert riende fuir le monde, si on le porte auec soy. Par tout ce que dessus est aisé à recognoistre

que c'est vne grande estude & mal-aisee que de reigler ses pensees, & qu'il y a plus de difficulté à parler à soi-mesme comme il faut, que de parler à ses prochains

à ses prochains.

Desquelles paroles à nos prochains l'ordre re-

Des pa
Des que les paroles a nos prochains l'ordre reroles tât quiert que nous vous parlions, puis que (comme
bonnes nous dit le Seigneur) du bon thresor du cœur sorquemau tent les bonnes paroles, & que c'est de l'abondance
uaises.

du cœur que la bouche parle. Car il est mal-aisé
que d'vn cœur peruets sortent de bons propos;
si cen'est pour vn temps, comme sont les hypocrites.

O que c'est une estude importante & pleine de difficulté que de gouverner la langue, en sorte qu'on n'offense point Dieu en ses paroles! Et que c'est à bon droit que S. laques chapitre 3. dit, que celuy qui ne choppe point enparole est homme parfait.

La parole voirement est vne œuure de Dieu admirable, & qui discerne l'hôme d'auec la beste. Mais aussi c'est ce dont l'homme abuse le plus, & qui fait plus de mal au monde. C'est la langue qui blaspheme le nom de Dieu, qui controolle se actions, qui presche le mensonge, & peint de couleurs d'eloquence vne fausse doctrine.

C'est la langue qui detracte & mesdit du prochain, & iette des calomnies contre la vie des innocens, tellement qu'il y atelles paroles qui sont comme sesches aigues, & comme charbons atdens, comme il est dit au Pseaume 120.

C'est la langue qui ment, & qui ayant esté donnee à l'homme pour descouurir la pésee, est ordinairement employee à la deguiser, semblable aux horloges horloges detraquees qui sonnent autrement qu'elles ne marquent, & aux boetes de drogues qui ont des inscriptions trompeuses, sur lesquelles est escrit Rhubarbe, mais au dedans c'est arsenic. C'est la langue de l'homme qui trompe, qui endort par flatteries ceux dont on machine la ruine: qui seme les querelles, qui donne des mauuais conseils, qui prononce des paroles sales, qui debagoule des iniures atroces, qu'on voudroit puis apres retenir pour beaucoup: qui employé la plus grand' part de la vie de l'homme en paroles dont les deux tiers sont inutiles, & le reste est pernicieux & nuisible à celui qui parle & à ceux qui escoutent. Par la langue vous recognoistrez les mœurs des hommes, en mesme façon que les Galaadites discernoyent les Ephraimites à leur pronontiation. Si quelcun prend plaisir à parler de choses sainctes, on dira de lui ce que ceste chambriere disoit de sainct Pierre , Vrayement ta es de ceux-la , car ton langage te donne à cognoistre. Bref la vie & la mort sont en la puissance de la langue, comme dit Salomon au 18. chap. des Prouerbes: & S. Iaques dit que la langue oft un monde d'iniquité.

Pour ces causes Dauid au Pleaume 39. dit auoit soigneusement pris garde à sa langue, & auoir dit en soi-mesme, le prendraigarde à mes veyes, que ie nie peche par tha langue, & garderai ma bouche comme auec une muselsere. Lequel Pleaume estant leu deuant un Ancien, il commanda au lecteur de s'arrester au premier verset, disant, voila de la talche assez, & au bout de dix ans disoit n'auoir en aore bien apris ceste leçon.

£

Pourtant il n'y a point de paroles plus profitables que celles qui enseignent à reigler nos paroles: car aprenans à bien parler, nous apprendrons aussi à bien viure! en reiglant nos paroles, nous reiglerons aussi nos actions.

En premier lieu l'Escriture nous commande d'estre veritables en nos paroles, parlans en rondeur & simplici é. C'est ce que dit S. Paul Ephes.4. Parquoy ayans depouillé le mensonge, parlez en verité chacun à son prochain. Remarquez ce mot de depoui ller: car l'Apostre parle du mensonge comme d'vn manteau qui couure beaucoup d'ordures, pource que tous les autres vices se couvrent & le cachent sous le mensonge. Dauid au Pleaume cinquieme dit que Dien fait perir ceux qui profrent mensonge, & qu'il a en abomination l'homme de sang & le trompeur : mettant les menteurs & les meureriers en mesme rang. Et la Parole de Dieu, appellant Dieu, le Dieu de verité, & le diable le pere de mensonge, nous baille tacitement le chois, lequel nous aimons mieux, ou en disant la verité estre imitateurs de Dieu, ou en mentant ressembler au diable. Celui qui dit la verité glorifie Dieu, comme disoit Iosué à Achan l'exhorof. 7.19. tant à confesser la verité: Mon fils donne gloire à Dieu. Carcelui qui craint de mentir dit en soimelme, Dien hait le mensonge, & il cognoist toutes choses, viendrois-ie à mentir deuant luis en vain tascherois-ie à me deguiser & contresaire en sa presence. Mais le menteur accuse tacitement Dien d'aueuglement: c'est vn vice penible & qui tourmente les menteurs:car on a bien de la peine à se contrefaire: & en fin le masque tombe, & la verité se delcou-

Digitized by Google

descouure: & le iuste salaire d'vn menteur ordinaire est, qu'on se dessie tousiours de lui, & qu'on ne le croit pas, lors qu'il dit choses vrayes & y adé iouste des sermens. Non pas qu'il faille tousiours dire tout ce qu'on pense, car toute verité n'est pas bonne à dire: Il y a plusieurs choses qu'il faut tenir secrettes. Seulement ie dis qu'il ne faut iamais

parler contre la verité. A la verité en paroles faut adjouster l'honnesteté, & s'abstenir de toutes paroles vaines & impudiques, selon le conseil de S. Paul aux Ephefiens chapitre 4. Que nul propos infect ne sorte de vostre bouche, mais celui qui est à edification, afin qu'il donne grace à ceux qui l'oyent. Et au 5. chapitre, Que paillardise & toute souillure ne soit pas mesme nommee entre vous, ainsi qu'il appartient aux Sainsts. Or le vray moyen de s'abstenir de sales paroles, est de suiure le conseil de Iesus Christ, asçauoir d'auoir le cœur plein de bonnes & sainctes penseess car de l'abondance du cœur la bouche parle. Si vous aimez Dieu vous prendrez plaisir à parler de lui, & de ses œuures, & de ses enseignemens, & à le glorifier en vos paroles. Si vostre cœur est va cabinet de sainctes pensees, vous tirerez de ce bon thresor choics bonnes & sainctes: mais du cœur d'un homme qui bre le de sales convoitises fortent des vilaines paroles comme estincelles d'vne fournaise ardente: & comme vne odeut infecte d'va puant egouit. Le quelles paroles receues auec plaisir par les assist uns sont allumettes de mauuais d'si s & vne phillante contagion.

Item pour garder sa langue de paroles où Dieu soit offensé, faut reprimer sa colere: car la colere

Digitized by Google

100

fait vomir force iniures, & prononcer force paroles outrageules & indiscretes dont on se repent puis apres tout à lossir. C'est ce que dit S.I. ques au chapitre 1. Que tout homme soit prompt à ouir, et tardis à parler, ét tardis à courroux: enseignant que la colere & la discretion en paroles sont choses incompatibles. La colere est un vice furieux qui se venge contre soi-mesme, qui se brusse pour eschauder un autres qui iute & blaspheme se vengeant contre Dieu, à cause que son prochain l'a offensé: il se prend à Dieu comme si Dieu auoit besoin de lui: Il enjambe sur la charge de Dieu qui dit, à moy est la vengeance, Rom. 12.

Est aussi necessaire pour bien conduire sa langue de s'accoustumer à parler peu. Car comme

me deux oreilles, mais ne lui a donné qu'vne bouche, pource qu'il faut beaucoup plus ouir que seles, parler. Melme en parlant à Dieu, l'Ecclessate

commande d'vser de peu de paroles. Et Iesus Christ au 6. de S. Matthieu condamne les longues oraisons des Phatisiens. Non pas que toutes lon-

lomon en la dedicace du temple est fort longue; & celle de Daniel au neufuieme chapitre: & ya des Pseaumes de plusieurs fueillets. Mais nous appellons vne oraison trop longue en laquelle il y a des tedites & des paroles superflues. Dont s'ensuit qu'vne priere de deux lignes est trop longue quand il ya quelque chose de superflu.

Voici encore vn bon conseil pour bien gou-

nerner

merner la langue, asçauoit de fuir l'oissueté, tramailler de les mains, & s'employer soigneusement à la charge que Dieu nous a commile, en la Republique ou en l'Eglise. Car celui qui s'occupe à des actions necessaites, ne s'amusera point à des paroles inutiles. Par faute d'auoir des affaires chés 🗘 y, on s'amule à parler des affaires d'autruy. Qui est la raison pour quoy Iesus Christ appelle les paroles vaines & malhonnestes, paroles oi sues, pour Manh. ce qu'elles procedent ordinairement d'oi sueté 12.36. & de faute d'occupation: qui est vn vice que S. Paul en la 1.4 Timothee remarque és femmes, desauelles il dit, qu'elles apprennent à aller de mai-Son en maison, of sont non seulement oissues, mais aussi babellardes, & parlantes de choses mal-seantes. Où vous voyez qu'il accouple le babil auec l'oisiueté. C'est à quoy bien souvent se passent les visites des apresdisnets: car tout le matin des femmes oissues & delicates s'employe à se peigner & à s'habiller. Plusieurs personnes assises pour causer escouteront quelque semme qui mesdit de son prochain, ou quelcun qui dit des paroles malhonnestes pour resiouïr la compagnie.Celui qui voudroit par quelques sainctes paroles interrompre ces vains discours seroit estimé un troublefeste & vn homme importun.

A mesme sin l'Escriture desend l'yurongnerie, laquelle ne cele rien, & noyant la raison dans le vin, sait dire choses qu'on voudroit puis apres retenir pour beaucoup. Vne heure d'yurongnesie descoure des secrets de plusieurs anneesse et ce que nous enseigne S. Paul aux Ephesiens ch. 5. Ne vom enyurez point de vin auquel y a dissolution.

G 3

mais soyez remplis du S. Esprit: parlans entre vom par Pseaumes, lou anges & chansons spirituelles. Nous donnant à entendre que l'yutongnerie pousse plustost l'homme à toute autre sorte de paroles, qu'à celles de lou anges de Dieu & d'action de graces. Salomonau 7. chap. du Cantique dit que le vin fait parler les levres des dormans, combien plus de ceux qui veillent?

Faut aussi se souvenir que l'Apostre en la premiere aux Corinthiens au 6. chap. dit que nos corps sont temples du S. Esprit. En ce temple nos langues sont ce qu'estoyent les harpes sacrees au temple de Salomon, destinees à resonner les louanges de Dieu. Tout ainsi donc que c'eust esté vne horrible profanation que de iouër des chansons profanes sur ces instrumens sacrés, ainsi c'est vne grande profanation, & vn renuersement de l'œuure de Dieu, & de l'intention du Createur que d'employer à choses vaines & profanes la langue que Dieua donnee à l'homme pour prononcer ses louanges & publier sa vertu. Dont aussi en la langue de l'Ancien Testament, la langue de l'homme est souvent appellee d'vn mot

Genef. 49.6.

P/16. 9. qui fignific gloire & louange.
P/57.9.

Item pour s'empescher de mal parler auecles hommes vn souuerain remede est de parler souuent auec Dieu: car pendant que vous vous entretiendrez auec Dieu par prieres assiduelles, il ne faut pas craindre que vous parliez mal de vos prochains. Est malaisé qu'vn qui a prié Dieu auec ardeur, vienne incontinent apres à prononcer paroles dissoluës ou mensongeres, contraires aux vertus qu'il a demandees à Dieu par sa priere.

Enge-

En general pour contenir la langue dans les limites d'honneste: é & de verité, faut le souvenir tousiours des paroles du Seigneur au 12. chap. de S.Matthieu, Que les hommes rendront conte à Dien de toute parole oissue au tour du sugement. Et de ce que dit Malachie au chap.3 que Dieutient registre des paroles de ceux qui le craignent, par lesquelles ils se consolent & encouragent mutuellement. Car qui est celui qui sçachant que quelcun met par escrit toutes ses paroles, pour lui en faire des reproches en justice, voulust proferer choles peruerles & malhonnestes en sa presence? Comment donc osons-nous proferer tant de mauuailes paroles, tant de mensonges, tant de mesdisances, iuremens, paroles impudiques en presence de Dieu qui en tient registre & qui n'oublie rien,& nous en demandera conte au dernier iour?

Tous ces conseils pour retenir la langue en son deuoir, dependent de celui que Iesus Christ nous donne en ce passage, as çauoir que nous remplissions nos cœuts de bonnes pensees, & en fai-sions vn amas comme en vn thresor, pource que

de l'abondance du cœur la bouche parle.

Si la Parole de Dieu habite plantureusement en vos cœurs, aussi vos paroles seront consites au sel de la Parole de Dieu. Et toutes les choses que nous vous auons dites qui sont la matiere des sainctes meditations, seront aussi le suiet de vos paroles, soit que vous parliez de vous mesmes, soit que vous parliez de vous prochains, soit que vous parliez de Dieu. Tout ce qu'il y a d'œuures de Dieu en la nature & en la conduite du monde, ou en la conservation de son Eglise, laquelle il conserve comme vne brebis entre les pattes de la louve; & comme les trois compagnons de Daniel en la sournaise ardente : tous les enseignemens de la Parole de Dieu: tout ce que vous avez receu de graces de Dieu: toutes celles que vous attende z de sa bonté: tous les deuoirs que Dieu attend de vous, toutes les occasions de bonnes œuvres, vous ayant rempli le cœur de sainctes pensees, mouvra aussi vos langues à parler de ces mesmes choses : car de l'abondance du cœur la bouche parle.

O combien semmes-nous eloignés de ces reigles! combien de vaines penses & de mauuais desirs. & de sollicitudes mondaines, brouillent & traueffent vos esprits. Mesme en ceux qui craignent Dieu & l'aiment, le soin de la famille, la crainte d'apoir saute, vne iniure receuë, vn procez douteux, l'incerritude des assaires publiques remplissent le cœnt de penses importunes & de sollicitudes rerriennes.

Nostre grand Dieu dont les compassions sont tendres & la misericorde infinie, vueille remplie nos entendemens de sa cognoissance, & nos cœurs de son amourasin que d'une si bonne source decoulent des paroles par lesquelles il soit glorissé & nos prochains edisiés. Et pour clorre ce propos par les paroles par lesquelles David sinit le dix eusuieme Pseaume, que chacun de nous face à Dieu ceste priere, Que les paroles de ma benche, & la meditation de mon cœur, te sojent agreables, à Eternel, mon Rosber & mon Redempteur. Ainsi soit-il.

CINQVIE